

Konferencija na kojoj će se predstaviti projekt Agencije za zaštitu okoliša Švedske koji ima za cilj da pomogne Bosni i Hercegovini u suprotstavljanju izazovima zagađenja zraka, bit će upriličena u četvrtak, 22. novembra u Sarajevu.

Namjera projekta je jačanje kapaciteta relevantnih institucija u BiH da bi se unaprijedilo upravljanje podacima o kvaliteti zraka te poboljšala kvaliteta zraka, a vrijednost projekta je 3,8 miliona eura za period od 2018. do 2022. godine.

Bosna i Hercegovina suočava se s brojnim izazovima zbog zagađenosti zraka, građani su izloženi nekim od najvećih zagađivača u Evropi, a u isto vrijeme dok su bolesti srca i pluća, moždani udari te karcinom pluća mnogo češći u područjima izloženim tim štetnim emisijama.

Organizatori konferencije su upozorili da su djeca, starije osobe, te oni koji žive u siromaštvu naročito ugrožene kategorije stanovništva, ali pored negativnog uticaja na zdravlje, zagađenje ima također razarajuće efekte na ekonomiju.

Svjetska zdravstvena organizacija izvijestila je da BiH godišnje gubi 21,5 procenata bruto domaćeg proizvoda, što je oko 7,23 miliona američkih dolara, zbog zagađenja.

Iz Ambasade Švedske u BiH najavljeno je da će konferenciju otvoriti ministar vanjske trgovine i ekonomskih odnosa BiH Mirko Šarović i ambasador Švedske u BiH Anders Hagelberg, a učestvovat će eksperati iz Agencije za zaštitu okoliša Švedske i Hidrometeorološkog instituta Švedske kao te predstavnici bh. institucija.

Izvor: energetika.ba